

王肯
堂著 醫學津梁

上海千頃堂
書局印行

醫學津梁目錄

卷一

中風附癰症 腐風

麻木

厥

三消

癰疹

諸血

諸虛

卷二

癆瘵附夢與鬼交 盜汗自汗 骨蒸潮熱

咳嗽附哮喘

痰附飲

喉痺附失音 骨鯁

噎膈

附

梅核氣

嘔吐

附

翻胃

吞酸吐酸

霍亂

卷三

瘧疾

火

發熱辨

內外傷

附

諸內傷

瘕症

脫陽

中暑

附

症夏

中濕

附

痿症

黃疸

附

黃腫

脾胃

卷四

痞

附

嘈雜

噯氣

呃逆

鼓脹附 水腫 痢疾 泄瀉

卷五

諸氣附 鬱

秘結

諸痛

頭痛附 眩暈

心痛附 怔忡驚悸健忘 癲狂 邪祟

脇痛

腹痛

卷六

腰痛

股痛附 脊痛

齒

口

脣

舌

淋閉

附

轉胞

不禁

便濁遺精

疝氣

蟲症

醫學津梁卷二

(原名醫鏡刪補)

明金壇王肯堂原著

清歸安岳昌源刪補

江浦後學陳洙重訂

癆瘵

癆者。由妄作勞。以成病也。勞力負重。則傷血。而氣亦傷。然情猶未傷也。勞力行房。則傷精。而氣血亦傷。如勞力負重。復勞力行房。更不避風寒。縱情麪藥。則精氣與血俱傷。真元斲削。虛火益熾。病根日深。已不可拔。猶不知戒。而肆情恣慾。則心肝肺腎損矣。心損。則精神不守。坐卧恍惚。肝損。則失血少睡。面白無色。肺損。則聲音低小。語言不續。腎損。則腰膝軟弱。小便頻數。虛損者。癆瘵之始。癆瘵者。虛損之終。由癆傷而成。虛損由虛損而成。癆瘵也。癆瘵之病。有咽乾喉痒。頻嗽而無痰者。有哮喘滿急。氣壅不得眠者。有痰中見血。一咯即出者。有面常頰熱。忽洒淅似寒者。有胸前如火。而兩脚冰冷者。有腰疼背痛。筋骸無力者。總屬於虛而已。至夢遺鬼交。盜汗自汗。骨蒸發熱。皆虛所致。究而言之。夢者。心之神也。鬼者。肝之魄也。精者。腎之液也。心之火。君火也。肝腎之火。相火也。相從君。令

者也。君火一動，相火從之，夢遺鬼交之患作矣。盜汗者，睡去即出，醒來即收。汗乃心液，心不足則神不守舍，而液無所攝，覺則心神漸定，故汗亦收也。自汗者，無睡醒而自濡濕，甚於盜汗。蓋盜汗本於心虛，而真元猶未盡虛，自汗則真元耗散，腠理皆開，肺失統氣之權，不能固表，故毫竅疎豁，汗流不禁。若汗出如膏，凝而不流，乃真元盡洩，生氣絕矣。骨之所屬腎也，腎實則寒，腎虛則熱。骨熱則龍火太旺，煎熬真陰，真陰既竭，熱無所容，流入於骨，故成骨蒸。骨蒸既久，上蒸於顙，顙赤而熱，則不救矣。蓋顙者骨之本也，骨本枯則腎經已絕。又有喉啞百無一生，傳尸者，九死一活。相思者，無藥可治。或平素有漏瘡，及下部忽生腫毒，與脾虛發腫泄瀉者，不可治。

凡男子尺脈虛數，寸沉微者，癆。女子寸脈虛數，尺沉微者，為癆。癆瘵脈數，而或濇細，如潮汗咳血，肉脫者，殂。脈經云：男子平人脈大為勞極。

入藥例

主方：川芎、熟地、知母、炒天冬、白芍、當歸、白朮、黃柏、陳皮、生地、甘草、肉桂、薑煎空。心脈如潮熱，加柴胡、沙參、地骨皮。盜汗及久病者，去川芎，加牡蠣、棗仁、浮

麥。咳嗽。加桑皮五味子。痰甚。加貝母。去心瓜蒌仁。遺精。加牡蠣龍骨炙肉。

白濁。加茯苓黃連。衄咳血。加桑皮黃芩山梔。嗽痰血。加桑皮貝母薑仁。

黃連。嘔吐血。加梔連蒲黃乾薑韭汁。咯吐血。加桔梗元參側柏。總加童

便。或薑汁此癆症後五臟症。亦以此為主方。現有精濁。加之足脛痠疼。腰背拘

急。面色黧黑。耳輪焦枯。脈沉細數。邪在腎也。加杜仲牛膝龜板五味澤瀉。現

有咯血多汗。加之驚惕怔忡。面赤脈洪而數。邪在心也。加遠志茯苓蓮子黃連。

硃砂胡黃連。現有喘咳嗽血。加之皮膚枯燥。鼻塞聲沉。脈微虛而濇數。邪在

肺也。加桔梗薑仁百部麥冬五味紫苑阿膠貝母款冬。現有夢遺。加之脇痛

多怒。頸核。目赤面青。脈弦而數。邪在肝也。加竹茹龍膽青黛青皮柴胡黃芩頸

核。加元參香附貝母。現有泄瀉。加之腹痛痞塊。飲食無味。四肢怠倦。面色痿

黃。脈虛濡而數。邪在脾也。去知柏天門冬生熟地黃。倍為藥。加白朮扁豆山藥

米仁澤瀉蓮肉肉果腹塊。加鱉甲山查麥芽。

喉嚨乾嗽。以滋陰降火為主。大劑元參為君。佐阿膠貝母茯苓知母黃柏之類。

喘急不寧。以定喘順氣為主。大劑蘇子為君。佐以杏仁兜鈴貝母薑仁橘紅黃

芩。

醫學

芩竹茹之類。

痰中見血。以清痰降火為主。宜貝母為君。佐以花粉。麥冬。茯苓。蘇子。阿膠。犀角。元參。黃芩。山梔之類。若痰多於血。以痰藥君之。血多於痰。以血藥君之。俱佐以治火之藥可也。有面上赤熱。少頃即減者。虛火也。以黃柏為君。人參。茯苓。知母。連翹。麥冬之類為佐。

有胸前如火。兩足冰冷者。陰虛火升也。以麥冬為君。知柏。參。苓。薏仁為佐。以生附子為末。搽兩足心。

洒淅似寒者。反是熱症也。以黃芩為君。人參。連翹。柴胡為佐。若無痰喘。宜加芍藥。不可誤以為風而用風劑。

腰疼背痛。筋骸無力者。虛甚也。以人參為君。敗龜板。山藥。杜仲。黃柏。牛膝為佐。如無痰。用四物配之。

病人虛甚。而痰嗽不止。不容不補。以化痰之劑。送下補藥。用人參。蒸熟焙乾。研極細。將鷄蛋白拌和。淨手揉之。令其軟潤。却以貝母。阿膠。茯苓。蘇子。橘紅。竹茹。黃芩之類。煎好澄清。將參放在舌上。徐徐送下。

富年咳嗽。成肺痿咯血。用白芨研細。臨睡糯米湯下二錢。虛癆。惟紫河車為聖藥。以人補人之意。用頭產男胎胞衣。按法製治。入淨器中。水煮搗爛和丸。加參朮苓草以補氣。芎歸為地以補血。二冬五味兔絲補脂。杜仲以補精。而又佐以知栢降火滋陰。此大法也。丸如桐子大。滑石為衣。秋石湯下百丸。或用鱖魚血。烈日中曬乾為末。配人參蜜丸。如桐子大。空。淡鹽湯下百丸。或用敗龜板。生用。若炙動火性。水浸二日。刮去垢。曬乾鎔碎磨細。丸如桐子大。又用阿膠蛤粉炒為末。蜜丸。如萊豆大。空心服。龜板丸以補腎水。臨晚服。阿膠丸以潤肺金。俱白湯下。或用敗龜板人參等分為末。將阿膠投竹瀝中化開。丸之。每日空朝一服。下午饑時一服。白湯下百丸。

癆瘵喉啞無治。蓋肺為氣主。五臟之華。蓋統領一身之氣者。火邪燦金。則氣索而無聲。故不治。若微有聲。猶可延半年。死中求生一法。用大猪肺一具。割去心及四旁浮脂。將刀劃破。中入白蜜三兩在內。以線紮緊。入淨鍋中。用生蜜三四觔水一二斗。同煮半日。若稠厚。再加滾湯煮之。取出溫湯洗淨。蘸秋石四兩食之。能復肺氣。又於丹田處連臍貼參附膏。可復真元。膏方用參附各半為粗

未將天鵝油

二 三

浸半月。漫火燉成膏。膏待溫入麝香末。

錢三

攤紵絲上貼之。美

食調養。可保復生。

癆症傳尸無治法。蓋因病癆初起。先為尸蟲。食其五臟而死。死後五臟皆冷。尸

蟲不能居。皆從鼻中出矣。以鼻乃肺之竅。癆乃肺之病。故從其竅而出。其色赤。

乃血所化。無翼能飛。

此物在蟲類名尸鬼。雖殺蟲之藥不效。惟死人身上的蛆可治。

一方用花椒。

分二苦棟根。

分一

酒米糊丸。空心米飲下八九十丸。

癆症素患漏瘡。與下部忽生腫毒者。蓋虛火縱橫。擊攻流毒於腸胃。而直注下

焦也。又有相思癆者。神魂恍忽。背人偷淚。悲咽吞聲。亦無治法。得遇所思。以遂

其欲。則自愈矣。

癆症惟心肺肝腎四臟受病。而脾胃尚無害也。脾者肺之母。脾土不衰。猶可生

肺。金病者。當令脾土調和。醫者不知。但見陰虛火盛。日用知柏歸地之類。以為

補陰。豈知性味寒涼。易滑腸胃。久服必瀉。一瀉則元氣脫矣。下多則亡陰。將補

而反亡之。面目手足皆發浮腫。殘喘雖存。精神已盡。不死何待乎。

癆症痰多血虛。醫者多以二陳四物加減治之。蓋謂二陳治痰。四物補血。豈知

二陳太燥。四物太膩。合而用之。兩無成功。而病反增重。況痰在上焦。血居下元。一劑中豈能上消痰。下補血。治法宜降火順氣。化痰之劑。日間徐服。而四物之類。更合他藥作丸。滾以滑石。空朝服之。庶可補下元。而不碍痰。煎劑亦有碍痰。而能補血者。阿膠。元參。夏枯草。龜甲之類。又有何首烏。頭髮灰。二味最能補血。但於丸藥中用之。煎劑非所宜矣。

夢遺鬼交

脈訣舉要曰。夢遺遺精。當驗於尺。微瀦精傷。洪數火逼。亦有心虛。左寸短小。脈遲者。生急疾者。殆。

夢屬心。鬼屬肝。精屬腎。君火動而相火從。故有此症。治者不獨澀其精。必先清火。補虛。惟虛故火易動。惟火動故精易洩也。宜牡蠣煅蓮鬚。金櫻子之類。以澀精。石蓮。黃連。茯神。遠志。麥冬之類。以清心安神。人參。白朮之類。以補虛。作九子。空心服。加秋石二兩尤妙。

鬼交而成病者。十味溫膽湯。半夏湯枳實炒陳皮各二錢茯苓半錢人參。熟地。棗仁。

炒遠志製五味各一錢炙草五生薑五片大棗一水二鐘煎八分。不拘時服。

色慾過度而成病者。固精丸。牡蠣煨。兔絲子酒浸。韭子炒。龍骨煨。五味炒。茯苓。

桑螵蛸酒炙。白石脂煨各等分。為末。酒糊丸。桐子大。每服七十丸。空心鹽湯下。治白濁。

如脂。小便無度。

一方。黃柏酒炒。知母酒炒各一兩。牡蠣煨。龍骨煨。蓮鬚。芡實。萸肉。遠志甘草製。茯苓各三錢。

為末。山藥糊丸。空心溫酒下。治虛火精滑。

或用鹿角屑炙。為細末。將二冬。地黃。人參等分。煎膏。拌和為丸。如桐子大。空心鹽

湯下百丸。

盜汗自汗

脈訣舉要曰。汗脈浮虛。或濇或浮。自汗在寸。盜汗在尺。凡男女平人。脈虛弱。

微細者。必有盜汗。

盜汗。屬心。自汗。屬肺。心神不守。故有盜汗。肺氣不收。故有自汗。盜汗。以茯神。麥

冬。安心神。君以麻黃根。佐以浮麥。牡蠣。自汗。以參耆。五味。收肺氣。亦君以麻黃

根。佐以浮麥。牡蠣。大忌茯苓。生薑。蓋茯苓。滲泄。用之。則重亡津液。生薑。開竅。用

之。則汗流不止。惟無痰者可用。此方若有痰。去人參。五味子。或用牡蠣粉。糯

米粉

分等

包生布中。遍身撲之。隨撲隨止。亦一時外治之良法。

或用五倍子。

錢三

為細末。臨卧時以唾調。填臍內。絹帛縛定。即止。

傷寒汗症。則用芍藥。桂枝。甘草。以和表氣。虛汗出不休。則用黃耆為主治。此非
癆瘵中之汗症也。

骨蒸潮熱

骨蒸潮熱。微有不同。骨蒸則無時不熱。潮熱如潮信之來。必有定期。潮熱者。將
成之骨蒸。骨蒸者。已成之潮熱。而總歸於腎虛。腎虛則熱故也。宜杜仲。黃柏。牛
膝。茯苓。為主。佐以四物。枸杞。人參。五味。二冬之類。蜜丸服之。亦治腎虛腰疼。及
骨肉痛。須久服。

本草謂地骨皮。治有汗骨之蒸。丹皮治無汗之骨蒸。此特治骨蒸初起。若至兩

顧皆亦難矣。不論有汗無汗。只用此二味。洗淨水煮成膏。曬乾為末。以鹿脊髓一

具。

若無以猪脊髓代之。

煮爛。搗和丸。不拘時服。蓋此二味。雖有治骨蒸之功。然氣味淡薄。

煎劑未能取效。煎膏則性醇和。善循經絡。又有脊髓助之。逕至患處。又必令病

人日常以猪脊髓作肴。亦能助藥力。若無他病。而單患久熱者。以生白芍。麥冬。

白茯苓煎服甚效。

以上三症亦癆瘵中之一病也。故附於此。

咳嗽

有痰無聲之謂咳。有聲無痰之謂嗽。有聲有痰曰咳嗽。然無聲者非全無聲。咳而易出。聲不甚響也。無痰者非果無痰。嗽而費力。痰不易出也。分而言之。咳在脾。嗽在肺。胃合而言之。肺與脾兩相為用。而又兩相為害者也。使肺不受熱。則化氣自清。亦可利脾。何至生痰。脾不受熱。則遊溢精氣自足。滋肺何至成嗽。此肺與脾之相為用也。肺受熱。則氣已壅。盛下流於脾。作痰。脾受熱。則痰隨火升。閉塞肺腕。成嗽。此肺與脾之相為害也。故脾肺雖分二經。而咳嗽總為一症。或傷寒。或傷風。傷熱始之者。風寒與熱成之者。火也。至咳嗽又不一矣。有火痰嗽。濕痰嗽。鬱痰嗽。頑痰嗽。清痰嗽。風痰嗽。寒痰嗽。酒痰嗽。食積痰嗽。乾咳痰嗽。時行嗽。瘀血嗽。肺脹嗽之異。火痰嗽者。面赤。聲多痰少。用力久而後出。脈數。喘急是也。濕痰嗽者。喉中漉漉有聲。嗽而易出者是也。鬱痰嗽者。胸臆脹滿。連嗽不出。喉中有喘聲。夜不得眠。上飽下饑是也。頑痰嗽者。膠住喉中。咯不能出。必努力。

大嗽而後出少許。如脂膏之狀是也。清痰嗽者。嗽而後出。痰不稠粘是也。風痰嗽者。肺氣壅盛。必頑嗽而後出。其痰浮而有沫。狀如津唾。畧稠粘者是也。寒痰嗽者。得於秋冬之交。或為冷雨所淋。冷風所侵。或露卧星月。或寒天入水所致。其嗽必哮喘。或肩背覺寒。得熱湯飲之則緩是也。酒痰嗽者。醉後感冒風寒。腹中有酒積。飲濁酒即發者是也。食積痰嗽者。每食後則嗽。胸膈不寬。其痰稠粘。覺有甜意。面上蟹爪路一黃一白是也。乾咳嗽者。陰血不足。虛火有餘。喉中常痒。痒則頻嗽。有聲無痰是也。時行嗽。寒熱鼻塞。氣急。痰血嗽。喉中常有腥氣。肺脹嗽。嗽動則喘滿。氣急。或左右眠一邊不得者。此痰與瘀血碍氣而病也。又有嗽而兩脇痛者。名肝咳。有嗽而腰軟痛者。名腎咳。有嗽而中脘作痛者。名脾咳。有嗽而鼻流清涕者。名肺咳。有嗽而口苦舌乾者。名心咳。又有嗽而遺溺者。氣虛也。有嗽而五心煩熱者。血虛也。醫者必先審肺脈。虛實者浮大有力。若沉而滑。則痰氣盛也。虛者弦大無力。若沉伏帶數。則火鬱極也。大要脈浮大者生。沉伏匿者死。凡嗽至肺脹。及咽瘡失音者死。若羸而脈堅大者亦死。

入藥例

火痰嗽者。不宜用半夏。南星。以其太燥也。惟知母。貝母。蔓仁。竹茹。之類。以化痰。

苓。連。山。梔。二。冬。之。類。以。降。火。蘇。子。橘。紅。茯。苓。之。類。以。順。氣。

濕痰嗽者。不宜用元參。阿膠。知母。以其滋潤也。惟蒼朮。防風。之類。以燥濕。半夏。

南星。薑汁。竹茹。之類。以去痰。枳殼。橘紅。之類。以順氣。黃芩。山梔。之類。以降火。

鬱痰嗽者。不宜用五味。麥冬。以其補肺也。宜枳殼。桔梗。香附。童便製。以開鬱。貝母。

蔓仁。半夏。之類。以治痰。蘇子。杏仁。之類。以定喘。茯苓。黃芩。山梔。之類。以降火。

頑痰嗽者。不宜用輕劑。宜以散子消磨之。如青黛。蛤粉。海浮石。風化硝。明礬。礞

石。灰。蔓。霜。之。類。研。細。以。薑。汁。竹。瀝。和。服。以。其。膠。固。不。開。非。輕。劑。所。能。愈。也。

清痰嗽者。宜用緩藥以治之。如貝母。花粉。茯苓。黃芩。竹茹。橘紅。蘇子。之類。

風痰嗽者。宜用輕浮之劑。如薄荷。紫蘇。蘇梗。桑皮。防風。半夏。黃芩。枳殼。少加麻

黃。甘。草。

寒痰嗽者。宜服蘆吸散。如肉桂。雄黃。鶯管石。欬。冬。花。甘。草。等分細末。用蘆管挑藥。

輕輕含之。吸入喉內。徐徐以清茶漱口。或蜜丸。噙化。亦妙。若用煎劑。宜半。南。陳。

苓。炙。草。生。薑。欬。冬。之。類。傷。風。者。脈。浮。川。蘇。飲。加。桑。皮。杏。仁。感。寒。者。脈。急。二。陳。湯。